

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 21 MAC 2011, PUKUL 10.00 PAGI

Bil. 9

PERTANYAAN-PERTANYAAN BAGI JAWAB LISAN

1. PR-000-L42062
Tuan Khairy Jamaluddin [Rembau] minta **MENTERI PERDAGANGAN ANTARABANGSA DAN INDUSTRI** menyatakan apakah rumusan dan dapatan daripada kajian konsolidasi atau penggabungan Proton Holdings Bhd. dan Perusahaan Automobil Kedua Sdn Bhd.
2. PR-000-L42889
Puan Nurul Izzah Binti Anwar [Lembah Pantai] minta **PERDANA MENTERI** menyatakan apakah fungsi Suruhanjaya Diraja jika saranan mereka tidak wajib dilaksana oleh Kerajaan dan jika benar, adakah Kerajaan bersetuju untuk menghapuskan sahaja mekanisme Suruhanjaya Diraja.
3. PR-000-L41529
Dato' Shamsul Anuar bin Nasarah [Lenggong] minta **PERDANA MENTERI** menyatakan :-
 - (a) syarikat-syarikat milik FELDA yang berdaya saing dan bertaraf antarabangsa; dan
 - (b) benarkah bilangan pelajar sekolah rendah di Rancangan FELDA semakin kurang sekarang dan apakah usaha Kerajaan mengatasinya.
4. PR-000-L41449
Tuan Salahuddin Bin Haji Ayub [Kubang Kerian] minta **PERDANA MENTERI** menyatakan berapakah jumlah kes yang dianggap atau dikategorikan sebagai berprofil tinggi yang telah sempurna disiasat oleh SPRM dari tahun 1990 hingga 2010. Daripada jumlah itu berapakah jumlah kes yang telah diambil tindakan pendakwaan oleh Jabatan PEGUAM NEGARA dan berapakah jumlah kes yang telah selesai dibicarkan.

5. PR-000-L41675
Datuk Haji Baharum Bin Mohamed [Sekijang] minta **MENTERI DALAM NEGERI** menyatakan sejak berkuat kuasanya undang-undang Anti Pemerdagangan Orang dan Anti Penyeludupan Migran 2007, berapa orangkah telah didakwa dan didapati bersalah di bawah Akta ini.
6. PR-000-L41730
Dato' Haji Wan Abd Rahim bin Wan Abdullah [Kota Bharu] minta **MENTERI PERUSAHAAN PERLADANGAN DAN KOMODITI** menyatakan usaha-usaha yang akan dilakukan bagi memastikan harga komoditi getah dan kelapa sawit terus kekal diparas yang tinggi.
7. PR-000-L41707
Datuk Haji Mohamed Bin Haji Aziz [Sri Gading] minta **PERDANA MENTERI** menyatakan berapakah jumlah peruntukan yang dikeluarkan oleh pihak Kerajaan dalam membantu mangsa banjir di Johor, Melaka, Negeri Sembilan dan Pahang pada bulan Februari yang lalu.
8. PR-000-L42539
Tuan Mohd Yusmadi bin Mohd Yusoff [Balik Pulau] minta **MENTERI PELAJARAN** menyatakan konsep pendidikan percuma yang pernah dimaklumkan sebelum ini tetapi telah menimbulkan kekeliruan terhadap ibu bapa yang masih membayar yuran persekolahan serta nyatakan perbelanjaan untuk memastikan pendidikan percuma berjaya dilaksanakan.
9. PR-000-L41299
Datuk Md.Sirat bin Abu [Bukit Katil] minta **MENTERI KEWANGAN** menyatakan adakah Kerajaan bercadang untuk mengkaji semula dan menurunkan kadar cukai pendapatan individu dan perniagaan akibat peningkatan kos hidup di negara ini.
10. PR-000-L41663
Dato' Rashid bin Din [Merbok] minta **MENTERI SUMBER ASLI DAN ALAM SEKITAR** menyatakan dalam Komitmen Malaysia (Kerajaan Pusat) untuk mengamalkan Pengurusan Hutan Secara Berkekalan (*Sustainable Forest Management*) apakah kerjasama yang disumbangkan oleh Kerajaan-kerajaan Negeri untuk melaksanakan komitmen ini. Sebagai balasan apakah sumbangan Kerajaan Pusat kepada Kerajaan Negeri untuk menjayakan komitmen ini.
11. PR-000-L42473
Puan Tan Ah Eng [Gelang Patah] minta **MENTERI PELANCONGAN** menyatakan :-
 - (a) langkah-langkah untuk mempromosikan *homestay* dan rancangan untuk memperbaikinya; dan
 - (b) jumlah pelancong asing yang menggunakan kemudahan *homestay*.

12. PR-000-L42171
Tuan Hee Loy Sian [Petaling Jaya Selatan] minta **MENTERI KERJA RAYA** menyatakan adakah Kerajaan berhasrat untuk memansuhkan plaza tol PJS 2 di New Pantai Ekspres Highway (NPE) supaya selari dengan slogan rakyat didahulukan dan yang selama ini dituntut oleh semua penduduk di Taman Medan dan Taman Dato' Harun.
13. PR-000-L42947
Tuan Haji Mohd Nor bin Othman [Hulu Terengganu] minta **PERDANA MENTERI** menyatakan langkah-langkah konkrit yang akan dilaksanakan oleh unit Peneraju Agenda Bumiputera (TERAJU) bagi memastikan matlamat tercapai.
14. PR-000-L42850
Dato' Taib Azamudden bin Md Taib [Baling] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bilakah Kementerian akan menyerapkan 1600 pegawai pemantau harga yang telah melewati lebih dua tahun menjawat jawatan tersebut secara kontrak.
15. PR-000-L42015
Dato' Seri Zahrain Mohamed Hashim [Bayan Baru] minta **MENTERI PERTANIAN DAN INDUSTRI ASAS TANI** menyatakan bentuk pampasan yang sudah dan akan diberi kepada nelayan-nelayan di sekitar Pulau Pinang yang terjejas pendapatan mereka akibat pembinaan jambatan kedua Pulau Pinang.
16. PR-000-L41296
Dr. Ramasamy a/l Palanisamy [Batu Kawan] minta **MENTERI PENGAJIAN TINGGI** menyatakan apakah kemajuan yang telah dicapai oleh Universiti Sains Malaysia (USM) berbanding dengan universiti lain di Malaysia dan adakah status APEX yang dicapai universiti tersebut telah memberi nafas baru kepada pencapaian serta perkembangan ilmu para pelajar universiti berkenaan.
17. PR-000-L42411
Datuk Ir Haji Idris Bin Haji Haron [Tangga Batu] minta **MENTERI BELIA DAN SUKAN** menyatakan :-
 - (a) apakah ukuran yang dapat diberikan kepada belia pada ketika ini di dalam aspek kemajuan fizikal dan mental ke arah pencapaian Wawasan 2020; dan
 - (b) apakah KPI / NKRA (Bidang Keberhasilan Utama) bagi menentukan belia-belia kita bersedia untuk pengisian negara maju kelak.
18. PR-000-L42463
Dato' Ngeh Koo Ham [Beruas] minta **MENTERI SUMBER ASLI DAN ALAM SEKITAR** menyatakan kenapa pasir sungai tidak boleh dijual kepada negara Singapura sungguhpun ia akan mendatangkan banyak faedah kepada negara Malaysia.

19. PR-000-L42006
Datuk Billy Abit Joo [Hulu Rajang] minta **MENTERI PERUSAHAAN PERLADANGAN DAN KOMODITI** menyatakan keadaan masa kini di mana kebanyakan kawasan bekas pembalakan dibangunkan untuk tujuan ladang komersial seperti estet-estet kelapa sawit dan getah, apakah adanya suatu mekanisme pemantauan yang diimplementasikan oleh pihak Kerajaan untuk memastikan hasil ataupun produk ini dapat diterima oleh pasaran luar negeri dan pembangunan estet-estet tanaman komersial ini memenuhi piawaian dan garis panduan yang diterima oleh masyarakat antarabangsa.
20. PR-000-L42515
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sebab syarikat Pembinaan BLT (PBLT) Sdn Bhd diberikan konsesi untuk membina kesemua ibu pejabat polis seluruh negara sehingga 2014 dan jaminan Kerajaan yang telah diberikan supaya PBLT dapat pinjaman suku sebanyak RM10 bilion.
21. PR-000-L41166
Dato' Sri Haji Zulhasnan bin Rafique [Setiawangsa] minta **MENTERI BELIA DAN SUKAN** menyatakan apakah langkah-langkah yang telah dan akan diambil bagi mengekalkan pencapaian cemerlang Malaysia dalam beberapa bidang sukan seperti equestrian, squash, badminton serta bowling.
22. PR-000-L42081
Tuan Manickavasagam a/l Sundaram [Kapar] minta **MENTERI PELAJARAN** menyatakan jenis-jenis sekolah yang wujud di Malaysia mengikut bilangan dan negeri sambil menyenaraikan bandingan kemudahan asas yang disediakan mengikut Sekolah kebangsaan termasuk berasrama penuh dan separa, sekolah jenis kebangsaan dan sekolah kebangsaan (asli).
23. PR-000-L42726
Dato' Lilah bin Yasin [Jempol] minta **MENTERI KESIHATAN** menyatakan :-
- apakah strategi Kementerian bagi meningkatkan kualiti perkhidmatan kesihatan di Hospital Jempol; dan
 - apakah tindakan yang sudah diambil bagi mengatasi kekurangan Pegawai Perubatan dan pegawai-pegawai sokongan di hospital tersebut.
24. PR-000-L42306
Tuan Amran bin Ab Ghani [Tanah Merah] minta **PERDANA MENTERI** menyatakan tahap penjualan Kem Sungai Besi dan pembangunan pangkalan ganti Sungai Besi :-
- tahap perundingan, perlaksanaan projek dan peruntukan; dan
 - penjelasan perancangan terperinci projek ini.

25. PR-000-L42855
Datuk Tiong Thai King [Lanang] minta **MENTERI KESIHATAN** menyatakan bilangan Klinik 1Malaysia yang telah ditubuhkan sejak pelancarannya mengikut lokasi di seluruh negara.
26. PR-000-L42801
Dr. Siti Mariah Binti Mahmud [Kota Raja] minta **MENTERI SUMBER ASLI DAN ALAM SEKITAR** menyatakan kenapa perparitan bersebelahan jalan-jalan bertar yang di bawah JPS tidak diserahkan penyelenggaranya kepada JKR atau PBT (contoh Jalan Bukit Kemuning di kawasan Kota Raja) untuk memastikan penyelarasan pengurusan masalah perparitan dan jalan yang menimbulkan ketidaksesuaan rakyat.
27. PR-000-L41927
Dato' Ismail bin Kasim [Arau] minta **MENTERI TENAGA, TEKNOLOGI HIJAU DAN AIR** menyatakan sama ada Kerajaan ada perancangan untuk mewujudkan satu saluran grid air nasional seperti yang telah dilaksanakan bagi bekalan elektrik dan apakah ia dapat direalisasikan memandangkan hak kepada air adalah hak mutlak setiap kerajaan negeri.
28. PR-000-L41849
Dato' Seri Mohammad Nizar bin Jamaluddin [Bukit Gantang] minta **MENTERI KERJA RAYA** menyatakan kenapa siling hospital Sungai Buloh runtuh, siapa kontraktor dan perunding yang bertanggungjawab dan apakah tindakan ke atas mereka serta kos pemulihian.
29. PR-000-L41381
Dato' Seri Ong Ka Chuan [Tanjong Malim] minta **MENTERI PENGAJIAN TINGGI** menyatakan :-
- apakah inisiatif yang telah diambil untuk meningkatkan kedudukan ranking universiti tempatan berbanding dengan universiti terbaik di rantau ini; dan
 - usaha yang telah diambil oleh Kementerian untuk menandakan aras universiti tempatan dengan universiti terbaik di rantau ini supaya usaha untuk menjadikan Malaysia sebagai pusat kecemerlangan pengajian tinggi dapat dicapai.
30. PR-000-L42122
Tuan Gobind Singh Deo [Puchong] minta **MENTERI PELAJARAN** menyatakan bagaimanakah buku Interlok boleh diluluskan sebagai buku teks sekolah dan apakah tindakan yang akan diambil untuk mengeluarkan perkataan menghina seperti '*pariah*' di dalamnya.

31. PR-000-L41203
Tuan William @ Nyallau Anak Badak [Lubok Antu] minta **MENTERI DALAM NEGERI** menyatakan setakat mana tindakan Kerajaan untuk menyiapkan pembinaan pejabat CIE di Sempadan Malaysia/Kalimantan Barat Indonesia dalam Daerah Lubok Antu yang telah gagal disiapkan hampir 3 tahun yang lalu.
32. PR-000-L42826
Dato' Kamarudin Bin Jaffar [Tumpat] minta **MENTERI LUAR NEGERI** menyatakan peranan Malaysia dalam menyelesaikan krisis Mindanao dan setakat manakah pencapaiananya.
33. PR-000-L41900
Datuk Halimah binti Mohd Sadique [Tenggara] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah Kerajaan bagi meningkatkan daya saing operasi peniaga runcit melalui program Transformasi Kedai Runcit (TUKAR) dan nyatakan kriteria peruncit untuk layak dan boleh mendapatkan pembiayaan.
34. PR-000-L42656
Tuan Haji Ahmad bin Kasim [Kuala Kedah] minta **MENTERI PERTANIAN DAN INDUSTRI ASAS TANI** menyatakan maklumat mengenai jumlah ganti rugi kepada sektor pertanian bukan padi khususnya penternakan dan perikanan air tawar akibat banjir besar di Kedah pada November 2010 yang lalu, sekiranya ada, apakah prosedur yang perlu bagi penternak dan pemilik kolam ikan untuk memohon ganti rugi ini.
35. PR-000-L42200
Datuk Wee Jeck Seng [Tanjong Piai] minta **MENTERI KEWANGAN** menyatakan :-
- (a) jumlah kutipan cukai daripada tiap-tiap syarikat loteri dalam 5 tahun yang lalu; dan
 - (b) adakah Kerajaan berhasrat menghadkan jumlah jualan loteri daripada syarikat loteri.
36. PR-000-L41709
Tuan Haji Ab Aziz bin Ab Kadir [Ketereh] minta **MENTERI KEWANGAN** menyatakan purata harga rumah dan kadar kekosongan unit kediaman tidak didiami di setiap bandar ibu negeri sepanjang 5 tahun. Apakah langkah-langkah Kerajaan dalam memastikan dasar perumahan awam yang mampu dimiliki dapat dilaksanakan dengan jayanya.

37. PR-000-L41629
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan sama ada Kementerian sedar ada dakwaan orang ramai melalui *blog* bahawa anggota polis terlibat dalam sindiket membawa masuk atau melindungi pendatang asing ke negeri Sabah, dan kalau sedar, adakah Kementerian telah menjalankan siasatan dan apakah hasilnya.
38. PR-000-L42042
Dato' Seri Haji Azmi bin Khalid [Padang Besar] minta **MENTERI DALAM NEGERI** menyatakan setakat manakah berkesannya usaha Kerajaan untuk membanteras penyeludupan minyak petrol dan diesel, ke negara-negara jiran yang berlaku secara berleluasa di kawasan-kawasan sempadan.
39. PR-000-L42585
Dato' Seri Abdul Hadi bin Awang [Marang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sama ada pihak Kementerian telah mengambil persiapan yang sewajarnya melalui Akta, Peraturan dan Insentif yang relevan bagi menjamin penawaran barang keperluan harian seperti bawang dan ikan yang amat tidak stabil pada ketika ini supaya kesejahteraan rakyat tidak terjejas.
40. PR-000-L41333
Datuk Abd. Rahman bin Bakri [Sabak Bernam] minta **MENTERI PEMBANGUNAN WANITA, KELUARGA DAN MASYARAKAT** menyatakan kesan langkah Kerajaan mengurangkan perbelanjaan kebijikan golongan yang memerlukan dan sebaliknya menumpukan kepada pendekatan kebijikan produktif untuk mengeluarkan mereka daripada belenggu kemiskinan.
41. PR-000-L41259
Dato' Abdul Manan bin Ismail [Paya Besar] minta **MENTERI SUMBER ASLI DAN ALAM SEKITAR** menyatakan adakah terdapat suatu kajian ataupun cadangan serta projek yang dijalankan bagi membaik pulih sistem saliran dan tebatan banjir di negara ini dalam mengatasi masalah banjir yang melanda di beberapa buah negeri di Malaysia seperti Johor, Melaka, Kedah dan Perlis baru-baru ini.
42. PR-000-L42736
Dr. Haji Dzulkefly bin Ahmad [Kuala Selangor] minta **PERDANA MENTERI** menyatakan dalam membina pengangkutan awam, sama ada beliau telah memikirkan apakah yang menjadi wawasan beliau sama ada untuk menjual lebih banyak kereta nasional atau membina *Mass Rapid Transport (MRT)* serta LRT, *Monorail*, bas, teksi dan sistem Komuter yang benar-benar mempunyai rangkaian dan '*interconnectivity*' yang baik dan berkesan.

43. PR-000-L42605
Dato' Haji Tajuddin bin Abdul Rahman [Pasir Salak] minta **MENTERI PERTANIAN DAN INDUSTRI ASAS TANI** menyatakan apakah masalah dalam pelaksanaan projek naik taraf pengairan pertanian Sg. Manik yang tidak siap mengikut jadual perancangannya.
44. PR-000-L41858
Dr. Lee Boon Chye [Gopeng] minta **MENTERI KEWANGAN** menyatakan pendirian dan rancangan berkenaan Cukai Barang dan Perkhidmatan (GST) dan bilakah masa untuk perlaksanaan.
45. PR-000-L42105
Tuan Mohd Nizar bin Zakaria [Parit] minta **PERDANA MENTERI** menyatakan atas dasar apakah terdapat kumpulan Pegawai Tadbir dan Diplomatik (Gred M41) bertaraf kontrak diserapkan dalam masa setahun dalam sesbuah Kementerian sedangkan mereka ini belum pun menduduki latihan Diploma Pentadbiran Awam di INTAN.
46. PR-000-L42871
Tuan Mohd. Nasir bin Zakaria [Padang Terap] minta **PERDANA MENTERI** menyatakan :-
- (a) berapa purata kos penapisan di semua kilang penapisan milik Petronas, Shell dan Esso di Malaysia; dan
 - (b) Petronas sedang membina sebuah terminal minyak mentah berkapasiti 260 ribu tong sehari di Kimanis Sabah. Soalnya, kenapa hanya membina terminal eksport minyak mentah, bukan sebuah loji penapisan.
47. PR-000-L41369
Dato' Sri Ir. Mohd Zin bin Mohamed [Sepang] minta **MENTERI KERJA RAYA** menyatakan apakah kesan kenaikan harga bahan bekalan pembinaan kepada kos dan tahap pelaksanaan projek-projek prasarana Kerajaan dalam RMK-10 dan sama ada projek-projek ini akan diteruskan atau dikaji semula bagi memastikan pelaksanaannya tidak akan membebankan Kerajaan.
48. PR-000-L42177
Dato' Haji Mahfuz bin Omar [Pokok Sena] minta **MENTERI DALAM NEGERI** menyatakan apakah polisi Kerajaan terhadap pekerja asing dari Bangladesh dan adakah Kerajaan akan memperbaharui dan melanjutkan visa kepada 350,000 orang pekerja yang berada di Malaysia.
49. PR-000-L41939
Tuan Wong Ho Leng [Sibu] minta **MENTERI KESIHATAN** menyatakan tindakan yang diambil untuk menambah tempat parkir di Hospital Sibu dan Sarawak General Hospital bagi menggalakkan lawatan. Apakah tindakan yang diambil untuk menambah bilangan doktor dan jururawat di Hospital di Sarawak.

50. PR-000-L42975
Tuan Haji Nasharudin bin Mat Isa [Bachok] minta **PERDANA MENTERI** menyatakan perancangan yang telah dilaksanakan oleh Kerajaan untuk menghadapi bencana banjir khususnya di negeri-negeri di selatan dan pantai timur negara.
51. PR-000-L41300
Dr. Ramasamy a/l Palanisamy [Batu Kawan] minta **MENTERI DALAM NEGERI** menyatakan apakah sebab-sebab yang mendorong pihak polis untuk bertindak kasar terhadap individu-individu yang telah menyertai demonstrasi anti-rejim Mubarak di Kuala Lumpur.
52. PR-000-L41303
Dr. Ramasamy a/l Palanisamy [Batu Kawan] minta **PERDANA MENTERI** menyatakan adakah Kerajaan Barisan Nasional mempunyai rancangan untuk mengaktifkan kembali projek jambatan antara Johor dan Singapura (*Crooked Bridge*) yang telah dibatalkan seperti yang diminta oleh mantan Perdana Menteri Tun Dr. Mahathir ataupun Kerajaan mempunyai pelan alternatif untuk jambatan ini.
53. PR-000-L42686
Tuan Wee Choo Keong [Wangsa Maju] minta **MENTERI PELAJARAN** menyatakan sebab-sebab berkenaan keputusan peperiksaan PMR tahun lepas di mana 38,000 penuntut telah mencapai 8 gred A dan begitu juga dengan keputusan peperiksaan SPM di mana beribu-ribu lagi penuntut telah mendapat gred "A" dalam semua mata pelajaran maka apakah hitungan markah minima untuk lulus setiap mata pelajaran PMR dan SPM serta hitungan markah untuk mencapai gred "A" dalam setiap mata pelajaran PMR dan SPM.
54. PR-000-L43034
Tan Sri Dato' Abd. Khalid bin Ibrahim [Bandar Tun Razak] minta **PERDANA MENTERI** menyatakan nyatakan kos sebenar bagi menyiapkan Terminal Bersepadu Selatan (TBS) di Bandar Tasik Selatan kerana kos awalnya dikatakan berjumlah RM540 juta dan mengapa Maju Holding yang mengenakan caj mahal sehingga menimbulkan bantahan pengusaha bas ekspres diberi hak mengendalikan terminal ini bukannya Syarikat Prasarana Negara.
55. PR-000-L42800
Puan Hajah Fuziah binti Salleh [Kuantan] minta **PERDANA MENTERI** menyatakan mengapakah kelulusan untuk membina projek MRT dibuat:-
- (a) tanpa menunggu hasil kajian pelan induk pengangkutan yang akan dibentangkan September 2011 nanti; dan
 - (b) tanpa ada kajian sistem alternatif yang lebih kos efektif dilakukan.

56. PR-000-L42382

Dr. Mohd Hatta bin Md Ramli [Kuala Krai] minta **MENTERI KEMAJUAN LUAR BANDAR DAN WILAYAH** menyatakan :-

- (a) prestasi penyediaan jalan-jalan baru dan naik taraf jalan luar bandar di Kuala Krai berbanding KPI bagi NKRA Infrastruktur Luar Bandar; dan
- (b) sama ada Jalan Pasir Kelang - Buyong - Kg. Taku dalam Parlimen Kuala Krai termasuk dalam NKRA ini bagi RMK10.

57. PR-000-L41230

Tuan Mohd. Abdul Wahid bin Endut [Kuala Terengganu] minta **MENTERI DALAM NEGERI** menyatakan jumlah anak yang tidak sah taraf yang dilahirkan dan jumlah kes pembuangan bayi yang baru dilahirkan di seluruh negara mengikut pecahan negeri-negeri pada tahun 2008, 2009 dan 2010.

58. PR-000-L42361

Tuan Lim Guan Eng [Bagan] minta **MENTERI KERJA RAYA** menyatakan jumlah jaminan bank, subsidi atau insentif yang diberikan dan pampasan yang dibayar oleh Kerajaan Persekutuan kepada setiap syarikat konsesi tol tiap-tiap tahun sejak ia bermula pada tahun 1980-an. Berikan pecahan syarikat, kos pembinaan dan tempoh masa konsesi.

59. PR-000-L42172

Tuan Nga Kor Ming [Taiping] minta **MENTERI PENERANGAN KOMUNIKASI DAN KEBUDAYAAN** menyatakan senarai kos perbelanjaan secara terperinci termasuk pelantikan *consultant* yang terlibat untuk mempromosikan kempen "1Malaysia".

60. PR-000-L42930

Dato' Ibrahim bin Ali [Pasir Mas] minta **MENTERI PELAJARAN** menyatakan memberi penjelasan kenapakah perlu buku Interlok karya Dato' Abdullah Hussien, Sasterawan Negara dipinda sebagaimana tuntutan segelintir pihak yang mempolitikkan buku ini, di mana buku Interlok yang dihasilkan hampir 40 tahun yang lalu.

61. PR-000-L41784

Dr. Mujahid bin Haji Yusof Rawa [Parit Buntar] minta **MENTERI PERDAGANGAN ANTARABANGSA DAN INDUSTRI** menyatakan berapakah kadar pelaburan yang diterima oleh Pulau Pinang dan faktornya.

62. PR-000-L43064
Puan Teresa Kok Suh Sim [Seputeh] minta **MENTERI PELAJARAN** menyatakan apakah Kerajaan akan mengadakan sekolah khas kepada anak kepada pelarian asing dan anak yang dilahirkan di Malaysia oleh pendatang tanpa izin memandangkan jumlah kanak-kanak dalam kategori ini telah meningkat dan ia akan menjadi satu masalah sosial dalam jangka masa panjang sekiranya diketepikan isu ini.
63. PR-000-L42462
Dato' Ngeh Koo Ham [Beruas] minta **MENTERI PENERANGAN, KOMUNIKASI DAN KEBUDAYAAN** menyatakan apakah tindakan yang diambil oleh Kerajaan terhadap syarikat-syarikat telekomunikasi yang mengenakan caj bayaran ke atas pelanggan untuk penghantaran sms oleh syarikat telekomunikasi atau pihak ketiga kepada nombor telefon pelanggan.
64. PR-000-L41278
Tuan Haji Che Uda bin Che Nik [Sik] minta **PERDANA MENTERI** menyatakan pelaksanaan sistem menunaikan Fardu Haji secara berpakej dikatakan menghalang peluang jemaah haji biasa untuk dapat peluang dalam perjalanan sepatutnya. Sila kemukakan data kedudukan haji secara berpakej diberi kepada syarikat-syarikat pengurusan haji sejak 5 tahun lalu (2005-2010) berbanding pemergian haji biasa dalam jangka masa yang sama.
65. PR-000-L42461
Tuan Lim Lip Eng [Segambut] minta **PERDANA MENTERI** menyatakan angka keluarga dan angka mangsa yang terbabit dalam bencana banjir di Johor, Melaka, Negeri Sembilan dan Pahang baru-baru ini. Berapa yang dibelanja oleh kerajaan setakat ini untuk mengatasi isu ini. Apakah kajian dibuat bagi mengelakkan banjir daripada terus melanda negeri-negeri tersebut.
66. PR-000-L42358
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tindakan terhadap majikan yang masih menggunakan pekerja asing dan memecat pekerja tempatan dan berapa banyakkah yang telah dihukum atas tangkapan (dakwaan) dibuat sehingga tahun 2010.
67. PR-000-L41224
Dato' Kamarul Baharin bin Abbas [Telok Kemang] minta **PERDANA MENTERI** menyatakan manfaatnya kepada *Felda Global Venture* apabila FINA, anak syarikat *Felda Iffco Sdn. Bhd.* membeli *Twin Rivers Technologies Natural Ingredients* dari *Twin Rivers Technologies US* dengan harga RM 75.5 juta walaupun telah mengalami kerugian RM 140 juta pada 2009 dan operasinya tertangguh.

68. PR-000-L41486
Tuan Khalid bin Abdul Samad [Shah Alam] minta **MENTERI SUMBER ASLI DAN ALAM SEKITAR** menyatakan apakah punca masalah banjir di negeri-negeri seperti Pahang, Johor, Melaka dan Negeri Sembilan dan apakah perancangan penyelesaiannya.
69. PR-000-L42110
Tuan Charles Anthony A/L R.Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan dasar Kerajaan untuk menjamin Hak untuk Kesihatan atau Right to Affordable Medicine dalam perjanjian FTA dengan EU dan USA melalui Transpacific Economic Partnership.
70. PR-000-L42279
Tuan Chua Tian Chang [Batu] minta **MENTERI SUMBER ASLI DAN ALAM SEKITAR** menyatakan berapakah jumlah keluasan pelupusan tanah telah diluluskan oleh Kabinet Malaysia dalam tahun 2006 hingga 2010 dan nyatakan lokasi dan jumlah nilai.
71. PR-000-L41916
Dr. Tan Seng Giaw [Kepong] minta **MENTERI PERDAGANGAN ANTARABANGSA DAN INDUSTRI** menyatakan apakah sebenarnya dasar berkaitan Permit Import (AP) kenderaan. Pada puratanya, apakah jumlah AP yang dikeluarkan setiap tahun dan kriteria yang digunakan untuk mengagihkannya serta jumlah kenderaan yang diimport.
72. PR-000-L41801
Tuan Manogaran a/l Marimuthu [Telok Intan] minta **MENTERI PERUMAHAN DAN KERAJAAN TEMPATAN** menyatakan penduduk di Teluk Intan sering kali telah mengadu tentang perkhidmatan yang kurang memuaskan oleh Majlis Perbandaran Teluk Intan (MPTI) terutamanya pengutipan sampah dan pembersihan di kawasan perumahan. Apakah Kementerian boleh memberi jaminan bahawa penduduk Teluk Intan tidak akan mengalami masalah seperti tersebut.

PADA PERMULAAN URUSAN MESUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

* Rang Undang-undang Perbekalan Tambahan (2010) 2011.

* Menandakan bahawa Rang Undang-undang ini akan di bawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Wira Ahmad bin Haji Hamzah [Jasin] dan masalah dicadangkan :-**

“ Bahawa suatu ucapan yang tidak seperti dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersebahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Tuanku semasa membuka Penggal Keempat Parlimen Yang Kedua Belas.”

Menyambung semula Perbahasan atas masalah (17 Mac, 2011)

		Bacaan Kali Yang Kedua
2.	(D.R. 47/2010) Rang Undang-undang Tenaga Boleh Baharu 2010	“
	[Kementerian Tenaga, Teknologi Hijau dan Air]	
3.	(D.R. 43/2010) Rang Undang-undang Pihak Berkuasa Pembangunan Tenaga Lestari 2010	“
	[Kementerian Tenaga, Teknologi Hijau dan Air]	
4.	(D.R. 34/2010) Rang Undang-undang Juruanalisis Makanan 2010	“
	[Kementerian Kesihatan]	
5.	(D.R. 38/2010) Rang Undang-undang Perkapalan Saudagar (Pindaan dan Peluasan) 2010	“
	[Kementerian Pengangkutan]	
6.	(D.R. 39/2010) Rang Undang-undang Perkapalan Saudagar (Pencemaran Minyak) (Pindaan) 2010	“
	[Kementerian Pengangkutan]	
7.	(D.R. 42/2010) Rang Undang-undang Timbang Tara (Pindaan) 2010	“
	[Perdana Menteri]	

8. (D.R. 44/2010) Rang Undang-undang Perkhidmatan Kuarantin dan Pemeriksaan Malaysia 2010 “
[Kementerian Pertanian dan Industri Asas Tani]
9. (D.R. 46/2010) Rang Undang-undang Hak Cipta (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
10. (D.R. 30/2010) Rang Undang-undang Penilai, Pentaksir Dan Ejen Harta Tanah (Pindaan) 2010 “
[Kementerian Kewangan]
11. (D.R. 48/2010) Rang Undang-undang Maktab Kerjasama (Perbadanan) (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
12. (D.R. 45/2010) Rang Undang-undang Perbadanan Pembangunan Kampong Bharu 2010 “
[Kementerian Wilayah Persekutuan dan Kesejahteraan Bandar]
13. (D.R. 2/2011) Rang Undang-undang Penggalakan Pelaburan (Pindaan) 2011 “
[Kementerian Perdagangan Antarabangsa dan Industri]
14. (D.R. 1/2011) Rang Undang-undang Veteran 2011 “
[Kementerian Pertahanan]
15. (D.R. 3/2011) Rang Undang-undang Institut Sukan Negara 2011 “
[Kementerian Belia dan Sukan]
16. (D.R. 5/2011) Rang Undang-undang Saraan Hakim (Pindaan) 2011 “
[Perdana Menteri]

17. (D.R. 4/2011) Rang Undang-undang (Larangan) "Kumpulan Wang Kutu (Pindaan) 2011

[Kementerian Perdagangan Dalam Negeri, Koperasi dan Kepenggunaan]

18. (D.R. 37/2009) Rang Undang-undang Cukai Barang dan Perkhidmatan 2009 "

[Kementerian Kewangan]

19. PR-000-U41523

Menteri Kewangan akan mencadangkan:-

"Bahawa Dewan ini mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa Danalnfa Nasional Berhad, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham."

20. PR-000-U41523

Menteri Kewangan akan mencadangkan:-

"Bahawa Dewan ini mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM15,500 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

21. PR-000-U41312

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa sejak akhir-akhir ini, negara kita sering dilanda bencana banjir kilat yang bukan sahaja mendatangkan kerugian kepada rakyat dan negara, malah terdapat juga kehilangan nyawa. Dan mengambil maklum bahawa sebahagian besar punca berlakunya bencana banjir kilat ini disebabkan oleh aktiviti manusia sendiri, di mana sungai-sungai, saliran-saliran dan kolam-kolam takungan air telah menjadi cetek disebabkan oleh mendapan lumpur dan pasir. Dan mengambil maklum juga bahawa mendapan lumpur dan pasir-pasir di tempat-tempat yang disebutkan tadi adalah disebabkan oleh aktiviti manusia sendiri, misalnya penimbusan tanah secara terbuka, pembangunan tidak terancang, pembukaan ladang-ladang dan lain-lain lagi aktiviti pembangunan.

Dan mengambil maklum bahawa dalam banyak kes, laporan kesan alam sekitar (EIA) tidak disediakan langsung atau tidak dipatuhi. Maka dengan ini Dewan hendaklah mengambil ketetapan untuk meminta Kerajaan melalui Kementerian yang berkaitan untuk meminda mananya akta yang perlu bagi menguatkuasakan peraturan sedia ada atau peraturan baru bagi mengatasi masalah yang mendarangkan kerugian besar kepada negara dan rakyat ini."

(Menteri Sumber Asli dan Alam Sekitar)

22. PR-000-U41326

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa terdapat banyak tanah-tanah perkuburan yang tidak terurus atau dikendalikan dengan baik, di mana ianya tidak disusun dengan rapi yang menyebabkan banyak kawasan kubur yang tidak dapat digunakan. Dan mengambil maklum bahawa kos penyelenggaraan dan pemuliharaan tanah perkuburan kian meningkat, banyak tanah perkuburan yang terbiar dan menjadi seperti kawasan belukar. Dan mengambil maklum juga bahawa kebanyakannya tanah perkuburan tidak dijaga ataupun diselia dengan baik kecuali sesetengah tanah perkuburan yang ditadbir oleh badan JKKK atau JK tanah perkuburan di kampung yang berkaitan. Dan mengambil maklum juga bahawa pada ketika ini belum ada mananya peraturan sedia ada yang memastikan satu-satu tanah perkuburan diselenggara atau dijaga dengan baik bagi memastikan ianya sentiasa bersih dan terpelihara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu lembaga atau yayasan yang akan bertanggungjawab untuk menyelenggara dan menyelia tanah-tanah perkuburan di seluruh negara agar ianya sentiasa terpelihara sama ada dari segi kesihatan, kebersihan mahupun keindahan."

(Menteri Sumber Asli dan Alam Sekitar)

23. PR-000-U41335

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah tanah terbiar kian berleluasa. Dan mengambil maklum bahawa masalah bukan sahaja tidak mendarangkan sebarang hasil kepada pemilik tanah tersebut, malah ianya akan mendarangkan masalah lain seperti tempat pembiakan nyamuk aedes, ular, tikus dan sebagainya yang boleh mendarangkan berbagai jenis penyakit. Dan mengambil maklum juga bahawa perkara ini berlaku kerana beberapa sebab misalnya si pemilik tidak mampu untuk mengusahakan tanah tersebut ,

tanah tersebut terlalu kecil keluasannya, keluasan tanah yang tidak mencukupi bagi syarikat besar seperti FELCRA untuk mengusahakannya dan lain-lain sebab lagi. Maka dengan ini Dewan hendaklah mengambil ketetapan untuk meminta Kerajaan untuk menggubal satu akta atau peraturan di mana ianya akan dapat mendorong atau memastikan bahawa pemilik tanah-tanah terbiar tersebut untuk mengusahakannya. Di samping itu, menubuhkan satu koperasi bagi memajukan tanah-tanah tersebut dengan dana disumbangkan oleh syarikat swasta (di bawah Program CSR) dan Kerajaan."

(Menteri Sumber Asli dan Alam Sekitar)

24. PR-000-U41341

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah kebanyakan benteng sungai-sungai di pekan-pekan utama dibina dengan konkrit. Dan mengambil maklum bahawa sungai-sungai konkrit ini bukan sahaja tidak mesra alam, tumbuhan yang lazimnya tumbuh di tebing-tebing sungai juga tidak dapat tumbuh. Dan mengambil maklum juga bahawa sungai-sungai konkrit ini juga tidak memberikan ruang bagi ikan-ikan di sungai untuk meletakkan telur mereka dan membiak, seperti mana lazimnya berlaku di sungai-sungai semulajadi. Maka dengan ini Dewan hendaklah mengambil ketetapan untuk meminta Kerajaan untuk menambah mana-mana peraturan sedia ada, supaya benteng-benteng sungai dibina dengan menggunakan cerucuk kayu keras ataupun "*interlocking bricks*" bagi membolehkan rerumput tumbuh dan juga ikan-ikan bertelur dan membiak (sebagaimana yang dibina di bandar Sibu, Sarawak). Kaedah ini adalah lebih mesra alam di samping mengekalkan flora dan fauna serta kehidupan marin sungai tersebut."

(Menteri Sumber Asli dan Alam Sekitar)

25. PR-000-U41523

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor seperti inflasi, dasar yang tidak adil, keadaan hak asasi, kedudukan kekurangan kebebasan media yang menjelaskan kehidupan rakyat. Bahawa Dewan ini juga membincangkan apakah perbezaan di antara Malaysia berbanding dengan negara Mesir yang mengalami pemberontakan 'bunga melati' moden."

(Perdana Menteri)

26. PR-000-U41525

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan keperluan untuk mengkaji secara menyeluruh kekurangan kualiti sesetengah doktor di negara ini serta cara-cara untuk mengatasinya. Dewan ini juga membicarakan sebab-musabab Majlis Perubatan Malaysia tidak dapat mengawal dengan berkesan standard graduan perubatan lebih 3,500 orang setiap tahun."

(Menteri Kesihatan)

27. PR-000-U43074

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para ahli berhormat dan proses Dewan Rakyat membuat keputusan terhadap dasar dan undang-undang."

(Menteri Penerangan, Komunikasi dan Kebudayaan)

28. PR-000-U43075

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk memulihkan Pilihanraya Kerajaan Tempatan demi menjadikan perkhidmatan Kerajaan tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

(Menteri Perumahan dan Kerajaan Tempatan)

29. PR-000-U43076

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

(Menteri Perumahan dan Kerajaan Tempatan)

30. PR-000-U43077

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

(Perdana Menteri)

31. PR-000-U43078

Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Menteri Dalam Negeri)

32. PR-000-U41480

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan membincangkan mengenai perjanjian di antara pihak Petronas dengan Kerajaan negeri Sabah dan Persekutuan berkaitan cari gali minyak yang bukan sahaja mengandungi minyak mentah tetapi juga terdapat bahan-bahan lain seperti gas agar pihak-pihak yang berkenaan dapat menentukan dasar dan cara untuk meneliti dan mengkaji semula hasil galian tersebut demi untuk kebaikan bersama".

(Perdana Menteri)

33. PR-000-U41484

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan meluluskan supaya kakitangan Kerajaan yang ditugaskan oleh SPR semasa pilihan raya berlangsung dan mereka yang bertugas di luar kawasan pada ketika itu termasuklah anggota polis, tentera dan sebagainya yang membuang undi secara undi pos seharusnya mengundi dengan sebebas-bebasnya tanpa dipengaruhi atau diarah oleh mana-mana pihak. Para pengundi pos ini mesti dan haruslah membuang undi untuk calon dari kediaman asal atau alamat tetapnya dan bukan di kawasan di mana pengundi itu bertugas."

(Perdana Menteri)

34. PR-000-U41490

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini membincangkan dengan seriusnya mengenai kemuliaan rakyat negara kita sebagai Rakyat Malaysia dengan suku-suku kaum masing-masing dan bukan hanya dengan sebutan suku kaum Melayu, Cina, India dan lain-lain yang jelas mengetepikan suku-suku kaum dari Sabah dan Sarawak.

Keadaan tersebut merupakan satu penghinaan bagi kaum-kaum dari Sabah dan Sarawak yang dicatat sebagai 'lain-lain' dalam borang-borang pentadbiran Kerajaan yang perlu dicatat sejelas-jelasnya mengikut suku bangsa rakyat Malaysia yang telah wujud sekian lama di negara ini."

(Menteri Dalam Negeri)

35. PR-000-U41436

Tuan Fong Kui Lun [Bukit Bintang] akan mencadangkan:-

"Bahawa Pilihanraya Kerajaan Tempatan hendaklah dipulihkan semula bagi melengkapi sistem demokrasi di Malaysia dan mengembalikan hak rakyat untuk memilih perwakilan mereka sendiri dalam Kerajaan Tempatan".

(Menteri Perumahan dan Kerajaan Tempatan)

36. PR-000-U41440

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kerajaan menyalurkan peruntukan tahunan kepada Ahli-Ahli Parlimen Pakatan Rakyat yang mewakili kawasan-kawasan yang dimenangi sebagaimana yang diberikan kepada wakil-wakil rakyat BN, supaya peruntukan dapat disalurkan untuk manfaat pengundi dan kawasan yang diwakili, sepertimana yang diamalkan di negara Taiwan. Langkah menyekat peruntukan tahunan wakil rakyat PR sebenarnya adalah satu diskriminasi politik ke atas para pengundi dan rakyat keseluruhannya dan sekatan amalan demokrasi sendiri".

(Perdana Menteri)

37. PR-000-U41442

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kementerian Pelajaran menyemak dan menyusun semula sukanan pelajaran subjek Sejarah Malaysia bagi memasukkan input yang tertinggal supaya ia lebih komprehensif, terbuka dan menjadi menarik untuk dipelajari".

(Menteri Pelajaran)

38. PR-000-U42596

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya menubuhkan satu badan bebas bagi menjalankan kajian terperinci untuk mengenalpasti keperluan untuk membina sekolah-sekolah Cina dan Tamil yang baru."

(Menteri Pelajaran)

39. PR-000-U42599

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus mengambil maklum bahawa Kerajaan harus menguatkuasakan undang-undang bagi mensyaratkan semua wakil rakyat mengumumkan aset milikan/kekayaan peribadi secara terbuka".

(Perdana Menteri)

40. PR-000-U42601

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya mengambil ketetapan yang rasional dalam pemilihan jumlah golongan bukan melayu secara seimbang dalam sektor perkhidmatan awam."

(Perdana Menteri)

41. PR-000-U42289

Tuan Chua Tian Chang [Batu] akan mencadangkan:-

" Bahawa Dewan ini mendesak Kerajaan Persekutuan mengembalikan hak kepada Negeri untuk melantik Pegawai Eksekutif *Ex-officio* yang memberi kuasa kepada Menteri Besar yang dipilih rakyat dan menghormati kedaulatan negeri. Jelasnya, pemindahan Perlembagaan pada Tahun 1983 terbukti adalah memusatkan kuasa kepada Perdana Menteri dan Ketua Setiausaha Negara untuk campur tangan dalam pentadbiran negeri."

(Perdana Menteri)

42. PR-000-U41589

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Suruhanjaya Pilihan Raya mencadangkan kepada Kerajaan agar:-a) mengurangkan umur minimum kelayakan mengundi dari 21 tahun kepada 18 tahun;b) menjadikan pendaftaran untuk mengundi adalah satu perkara yang automatik; dan c) pengundi berdaftar adalah diwajibkan keluar mengundi."

(Perdana Menteri)

43. PR-000-U41590

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar satu mekanisma yang efektif dalam bentuk jangka masa pendek dalam menangani masalah banjir di negara ini."

(Menteri Sumber Asli dan Alam Sekitar)

44. PR-000-U41591

Tuan John A/L Fernandez [Seremban] akan mencadangkan:-

"Bahawa Dewan ini mendesak agar Kerajaan dapat mengawal harga barang asas seperti susu, gula dan tepung yang kerap naik harga tanpa mengambil kira kesannya terhadap rakyat yang rata-ratanya berpendapatan sederhana dan rendah."

(Menteri Perdagangan Dalam Negeri, Koperasi dan Kepenggunaan)

45. PR-000-U41592

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil perhatian secara serius di mana terdapat ramai golongan muda kini telah diisyiharkan muflis akibat dari penggunaan kad kredit yang tidak terkawal."

(Menteri Kewangan)

46. PR-000-U41594

Tuan John A/L Fernandez [Seremban] akan mencadangkan:-

"Bahawa Dewan ini dapat mengarahkan Kerajaan untuk meminta semua penerima konsesi tol agar mengkaji semula kadar tol di negara ini bagi mengurangkan beban rakyat."

(Menteri Kerja Raya)

47. PR-000-U41597

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk mengadakan satu mata pelajaran tambahan di sekolah yang mengajar agama, dat istiadat, budaya serta cara hidup semua kaum di negara ini yang terdiri dari pebagai kaum bagi mengelakkan perkara yang berlaku baru-baru ini di mana seorang pelatih beragama Sikh dipotong rambut panjangnya di Kem Pusat Khidmat Negara tidak berulang.

Isu ini adalah pelanggaran hak asasi manusia dan hak beragama di Malaysia. Suruhan Siasatan Diraja harus ditubuhkan untuk menyiasat pekara ini. Jikalau orang ramai mengenali agama, adat istiadat, budaya serta cara hidup kaum lain, pekara seumpama ini tidak akan berlaku dan isu perkauman juga dapat dihindari."

(Menterian Pelajaran)

48. PR-000-U41600

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan Malaysia memberi lebih banyak peluang kepada masyarakat miskin tanpa mengira agama dan bangsa serta orang yang kurang upaya menjawat jawatan di sektor awam."

(Perdana Menteri)

49. PR-000-U41606

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan untuk menyediakan perkhidmatan *Wifi* di seluruh negara untuk menggalakkan rakyat menggunakan internet bagi menambah pengetahuan mereka dan ini dapat menggalakkan semua lapisan masyarakat menggunakan internet."

(Menteri Penerangan, Komunikasi dan Kebudayaan)

50. PR-000-U41609

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan mendesak pengusaha-pengusaha stesen minyak untuk menyedia lebih banyak perkhidmatan membekalkan gas bagi menggalakkan lebih ramai orang menggunakan gas bagi kenderaan mereka yang mana ini dapat mengurangkan pencemaran udara."

(Menteri Perdagangan Dalam Negeri, Koperasi dan Kepenggunaan)

51. PR-000-U41611

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan menggubal undang-undang agar anak-anak dihadapkan ke mahkamah sekiranya mereka mengabaikan ibu bapa mereka yang sudah tua."

(Menteri Pembangunan Wanita, Keluarga dan Masyarakat)

52. PR-000-U42038

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara sebagai syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene yang telah menimbulkan banyak persepsi negatif terhadap negara".

(Menteri Pertahanan)

53. PR-000-U42040

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong bahawa Perdana Menteri untuk menjelaskan kekeliruan yang disebabkan atas jawapan beliau tentang perbelanjaan Isteri Perdana Menteri pada Dewan yang lepas iaitu pada November 2010 yang tidak dipadani dengan kewujudan "First Lady of Malaysia Division" seperti yang ditunjukkan oleh direktori laman web Jabatan Perdana Menteri."

(Perdana Menteri)

54. PR-000-U42020

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan untuk merakamkan setinggi-tinggi penghargaan dan terima kasih kepada Kerajaan Malaysia, Kerajaan Arab Saudi, Majlis Keselamatan Negara, Angkatan Tentera Malaysia dan pihak lain yang terlibat secara langsung dan tidak langsung dalam menjayakan "Ops Piramid" untuk menyelamatkan rakyat Malaysia yang terperangkap dalam pergolakan berdarah di bumi Mesir".

(Menteri Luar Negeri)

55. PR-000-U42023

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri supaya keanggotaan Panel Perunding dan Pencegah Rasuah Suruhanjaya Pencegah Rasuah Malaysia (SPRM) dikaji semula bagi mengelakkan sebarang tindakan anggota panel yang mencatatkan imej SPRM dan Kerajaan."

(Perdana Menteri)

56. PR-000-U42025

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YAB Perdana Menteri mengkaji semula pengurusan dana dan bentuk pelaburan Lembaga Tabung Haji Malaysia. Dewan ini sedar tentang wujudnya kerisauan di kalangan umat Islam tentang penglibatan Lembaga Tabung Haji dalam pelaburan berisiko tinggi di dalam dan luar negara".

(Perdana Menteri)

57. PR-000-U42028

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Dalam Negeri dan YB Menteri Pembangunan Wanita, Keluarga dan Masyarakat mengambil langkah-langkah perlu untuk membersihkan bandaraya-bandaraya kita daripada sindiket "pengemis dan peminta derma" yang memperalatkan kanak-kanak, orang tua, orang kurang upaya dan pendatang asing. Dewan sedar bahawa tindakan 'pengemis dan peminta derma' ini menjelaskan imej negara dan menimbulkan persepsi negatif terhadap Kerajaan dan rakyat, selain masalah keselamatan."

(Menteri Pembangunan Wanita, Keluarga dan Masyarakat)

58. PR-000-U42030

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Kewangan memansuhkan pendekatan penghapusan subsidi secara total dalam kerangka Model Baru Ekonomi (NEM).

Dewan mengambil iktibar bahawa tindakan drastik penghapusan subsidi akan menggugat kestabilan sosial dan mungkin mengancam keselamatan negara seperti yang pernah berlaku di beberapa negara jiran, termasuk Indonesia pada lewat tahun 90an dan situasi terkini di negara Mesir."

(Menteri Kewangan)

59. PR-000-U42273

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuaskan oleh Perhimpunan Agong Bangsa-Bangsa Bersatu pada 18 Disember 2007 di mana negara-negara yang masih mengamal hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

(Menteri Dalam Negeri)

60. PR-000-U42275

Tuan Gwo-Burne Loh [Kelana Jaya] akan mencadangkan:-

"Bahawa Dewan ini membuat ketatapan menubuhkan sebuah Suruhanjaya Diraja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Menteri Sumber Manusia)

61. PR-000-U42278

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Integriti Agensi Pengawalaan (SIAP) menjalankan siasatan ke atas kematian adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis."

Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar Suruhanjaya ini mampu untuk menjawab pelbagai spekulasi."

(Perdana Menteri)

62. PR-000-U42196

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil langkah segera bagi meringankan beban rakyat dengan menghapus dan memansuhkan semua jenis tol di lebuh raya Malaysia."

(Perdana Menteri)

63. PR-000-U42197

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil tindakan membatalkan semua jenis saman ekor tertunggak yang berjumlah 15 juta saman setelah pelaksanaan format dan Akta Pengangkutan Jalan pindaan 2010 dikuat kuasakan."

(Menteri Dalam Negeri

64. PR-000-U42199

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menutup syarikat Felda Plantation dan mengagihkan tanah milik Felda Plantation kepada generasi kedua dan ketiga peneroka Felda."

(Perdana Menteri)

65. PR-000-U42201

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan memberikan pengiktirafan peranan dan jasa kakitangan awam dengan mengkaji semula struktur gaji bermula dengan menaikkan imbuhan perguruan sebanyak RM500 sebulan setiap seorang guru sebagai penghargaan kepada guru."

(Perdana Menteri)

66. PR-000-U42203

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menaikkan royalti minyak kepada negeri Sabah, Sarawak, Terengganu dan Kelantan kepada 20 peratus."

(Perdana Menteri)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2011</u>	<u>RISALAT/DOKUMEN</u>	<u>TARIKH DIBENTANGKAN</u>
CMD.1	Penyata Anggaran Perbelanjaan Mengurus Tambahan Kedua, 2010	21 Mac 2011
CMD.1A	Memorandum Perbendaharaan Mengenai Anggaran Perbelanjaan Mengurus Tambahan Kedua, 2010 Bagi Kerajaan Malaysia	21 Mac 2011
CMD.2	Penyata Anggaran Perbelanjaan Pembangunan Tambahan Kedua, 2010	21 Mac 2011
CMD.2A	Memorandum Perbendaharaan Mengenai Anggaran Perbelanjaan Pembangunan Tambahan Kedua, 2010	21 Mac 2011
CMD.3	Penyata Keluaran Wang Daripada Kumpulan Wang Luar Jangka Bagi Tempoh 1 Januari 2010 Hingga 31 Disember 2010, Menurut Peraturan 68 di bawah Peraturan-peraturan Majlis Mesyuarat Dewan Rakyat	21 Mac 2011
ST.5	Laporan Tahunan dan Penyata Kewangan Dewan Bahasa dan Pustaka Bagi Tahun 2009.	21 Mac 2011
ST.8	Penyata Keluaran Wang Daripada Simpanan Luar Jangka Bagi Tempoh 1 Januari 2010 Hingga 31 Disember 2010, Menurut Seksyen 6(3) Akta Kumpulan Wang Pembangunan 1966	21 Mac 2011
ST.10	Laporan Tahunan dan Penyata Kewangan Suruhanjaya Hak Asasi Manusia Malaysia Bagi Tahun 2010. (Human Rights Commission Of Malaysia Annual Report 2010.)	21 Mac 2011

KERTAS PEMBERITAHUAN

1. Menteri Kewangan akan mencadangkan :-

“Bahawa Dewan ini mengikut subseksyen 4(3) Akta Kumpulan Wang Pembangunan 1966, membuat ketetapan bahawa jumlah wang tambahan sebanyak satu bilion sembilan ratus empat puluh enam juta lima ratus sembilan puluh lapan ribu enam ratus lapan ringgit (RM1,946,598,608) diperuntukkan daripada Kumpulan Wang dan Butiran-butiran (Projek-projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Kedua, 2010 yang dibentangkan sebagai Kertas Perintah 2 Tahun 2011 dan yang disenaraikan di sebelah Maksud-maksud dan Butiran-butiran (Projek-projek) dalam ruang kesebelas dan kedua belas penyata tersebut.”